

**ՊԱՅՄԱՆԱԳԻՐ**  
**ԱՐՏԱԴՐԱԿԱՆ ԵՎ ՆԱԽԱԱՎԱՐՏԱԿԱՆ ՊՐԱԿՏԻԿԱՅԻ**  
**ԿԱԶՄԱԿԵՐՊՄԱՆ ՄԱՍԻՆ**

ք. Վանաձոր

14.03.2013թ.

Հայաստանի պետական ճարտարագիտական համալսարանի (Պոլիտեխնիկ) Վանաձորի մասնաճյուղը /այսուհետ՝ Համալսարան/, ի դեմս ՀՊՃՀ Վանաձորի մասնաճյուղի տնօրեն Արմեն Խառատյանի և Լոռու «Մարզպետարան»-ը /այսուհետ՝ Կազմակերպություն/, ի դեմս մարզպետ Արթուր Նալբանդյանի, կնքեցին սույն պայմանագիրը/ այսուհետ՝ Պայմանագիր/ հետևյալի մասին:

**1. Պայմանագրի առարկան**

- 1.1 Համալսարանը պարտավորվում է “Համակարգչային գեղարվեստական նախագծում” (071800) մասնագիտությամբ սովորող ուսանողներին /այսուհետ Ուսանողներ/ ուղարկել Կազմակերպություն՝ ուսումնական պլանի և տարեկան ուսումնական պլանի համաձայն արտադրական և նախաավարտական պրակտիկան /այսուհետ՝ Պրակտիկա/ անցկացնելու համար, իսկ կազմակերպությունը պարտավորվում է ընդունել Ուսանողներին համաձայն Համալսարանի նամակի և կազմակերպել Պրակտիկայի անցկացումը:
- 1.2 Պրակտիկայի անցկացման ժամկետներն են՝ յուրաքանչյուր կիսամյակ /1-ին կիսամյակ՝ հունվարից մինչև փետրվար՝ 3 շաբաթ և 2-րդ կիսամյակ՝ հուլիսից մինչև օգոստոս՝ 4 շաբաթ/:

**2. Կողմերի իրավունքները և պարտականությունները**

**2.1 Կազմակերպությունը պարտավորվում է՝**

- 2.1.1. Անցկացնել համալսարանի ուսանողների Պրակտիկան 1.2 կետում նշված ժամկետներում:
- 2.1.2. Կազմակերպության կողմից Պրակտիկայի ղեկավարման համար նշանակել համապատասխան որակավորմամբ մասնագետներին:
- 2.1.3. Համալսարանին մինչև Պրակտիկայի ավարտը տրամադրել տեղեկություններ Պրակտիկայի ղեկավարի մասին (անուն, ազգանուն, հայրանուն, պաշտոն), հրամանի (այլ փաստաթղթի) պատճենը, որի հիման վրա նա ղեկավարում է Ուսանողների Պրակտիկան:
- 2.1.4. Ապահովել Համալսարանի պրակտիկայի ղեկավարի մշակած և համաձայնեցված պլանի կատարումը Կազմակերպության Պրակտիկայի ղեկավարի կողմից՝ ստեղծելով անհրաժեշտ պայմաններ:
- 2.1.5. Ուսանողներին հնարավորություն տալ ծանոթանալու և օգտվելու հաստատության փաստաթղթերից, գրադարանից, այլ անհրաժեշտ ծառայություններից՝ պայմանով, եթե դրանք ստորագրվել են Կազմակերպության գաղտնիքի չհրապարակման մասին համապատասխան համաձայնագիր:
- 2.1.6. Ուսանողներին ծանոթացնել անվտանգության տեխնիկայի և հաստատության ներքին կարգապահական կանոններին, ապահովելով աշխատանքի անվտանգ պայմաններ:
- 2.1.7. Ապահովել Ուսանողների հաճախումների հսկողությունը և գրանցումը:
- 2.1.8. Պրակտիկայի ավարտից հետո յուրաքանչյուր Ուսանողին տալ բնութագիր և նրա կազմած հաշվետվության գնահատականը:

**2.2. Համալսարանը պարտավորվում է՝**

- 2.2.1. Պրակտիկայի ղեկավարման համար նշանակել բարձր որակավորում ունեցող մասնագետներին:
- 2.2.2. Կազմակերպությանը ներկայացնել ուսանողների ցուցակ պարունակող համապատասխան նամակ: Մեկ կիսամյակի համար ցուցակում ներառված ուսանողների առավելագույն քանակը չպետք է գերազանցի 8 հոգին:
- 2.2.3. Ապահովել Համալսարանի Պրակտիկայի ղեկավարի կողմից Պրակտիկայի թեմատիկ պլանի և Պրակտիկայի անցկացման կարգի մշակումը և համաձայնեցումը Կազմակերպության Պրակտիկայի ղեկավարի հետ:
- 2.2.4. Մինչև Պրակտիկան սկսելը, մեկ ամիս առաջ Կազմակերպությանը ներկայացնել համապատասխան հայտ՝ կցելով ուսանողների ցուցակը, ծանոթացնել նրանց Պրակտիկայի հանձնարարականներին, ծրագրերին:

2.2.5. Ապահովել Ուսանողների հաճախումները և պրակտիկայի վայրում նրանց ներկայությունը՝ ըստ սահմանված կարգի:

### 2.3 Կազմակերպությունն իրավունք ունի՝

- 2.3.1. Ցանկացած ժամանակ լուծարել Պայմանագիրը՝ այդ մասին առնվազն 5/հինգ/ օր առաջ ծանուցելով Համալսարանին,
- 2.3.2. Ցանկացած ժամանակ հրաժարվել առանձին Ուսանողի Պրակտիկան կազմակերպելուց, եթե վերջինս.
  - 2.3.2.1. Խախտում է Կազմակերպության ներքին կարգապահության, անվտանգության և /կամ էթիկայի կանոնները,
  - 2.3.2.2. Հրապարակել է կամ այլ կերպ երրորդ անձանց հասու է դարձրել Կազմակերպության գաղտնիք հանդիսացող տեղեկությունները կամ ստեղծել է նման հրապարակման վտանգ,
  - 2.3.2.3. Վնաս է պատճառում Կազմակերպության գույքին,
  - 2.3.2.4. Թույլ է տալիս Կազմակերպության կողմից սահմանված Պրակտիկայի ռեժիմի ավելի քան 5/հինգ/ խախտում:

### 3. Կողմերի պատասխանատվությունը

- 3.1. Սույն պայմանագրով նախատեսված պարտավորությունները չկատարելու կամ ոչ պատշաճ ձևով կատարելու դեպքում կողմերը պատասխանատվություն են կրում ՀՀ օրենսդրությամբ սահմանված կարգով:
- 3.2. Կողմերի միջև ծագած բոլոր տարաձայնությունները կախված Պայմանագրի հետ լուծվում է կողմերի միջև բանակցությունների միջոցով:
- 3.3. Կողմերի միջև ծագած բոլոր տարաձայնությունները բանակցությունների միջոցով լուծելու անհնարինության դեպքում դրանք ենթական են լուծման դատական կարգով՝ ՀՀ օրենսդրությանը համապատասխան:

### 4. Այլ դրույթներ


- 4.1. Պայմանագիրն ուժի մեջ է մտնում երկկողմանի ստորագրման պահից և գործում է մինչև Պայմանագրով Կողմերի ստանձնած պարտավորությունների պատշաճ և ամբողջական կատարումը:
- 4.2. Պայմանագրով ծագած տարաձայնություններն ու վեճերը լուծում են բանակցությունների միջոցով, իսկ համաձայնություն ձեռք չբերելու դեպքում՝ ՀՀ օրենսդրությամբ սահմանված կարգով:
- 4.3. Պայմանագրի նկատմամբ կիրառվում է ՀՀ օրենսդրությունը:
- 4.4. Պայմանագրի բոլոր փոփոխությունները և/կամ լրացումները կատարվում են երկկողմանի ստորագրված գրավոր փաստաթուղթ կազմելու ձևով:
- 4.5. Պայմանագիրը կազմված է 2/ երկու/ հավասարազոր օրինակներից: Յուրաքանչյուր կողմին տրվում է Պայմանագրի մեկական օրինակ:

### 5. Կողմերի իրավաբանական հասցեները և ստորագրությունները

ՀԱՄԱԼՍԱՐԱՆ

Հայաստանի պետական  
ճարտարագիտական համալսարանի  
(Պոլիտեխնիկ) Վանաձորի  
մասնաճյուղ

ք. Վանաձոր, Շինարարների 12  
տնօրեն՝ ԱՐՄԵՆ ԿՅՈՒՍՅԱՆ



ԿԱԶՄԱԿԵՐՊՈՒԹՅՈՒՆ

Լոռու «Մարզպետարան»

ք. Վանաձոր, Հայրի հրապարակ  
մարզպետ՝ ԵՐԹՈՐ ՆԱԿԱՆԴՅԱՆ

